

08. oktober 2015

Uunga sinnersuut: Inissianik attartortittakkani ineqarnermut tapiissutit pillugit inatsisartut inatsisaat nr.xx.xx.xx. 2015-imeersoq.

(Ilaqutariinnermut, Naligiissitaanermut Isumaginninermullu Naalakkersuisoq)

Siumumiit pingaartutut isigaarput innuttaasoq kinaluunniit akissaqartitaminik ineqarnissamut pisinnaatitaaffeqarnissaa, tamannalu ineqarnermut tapiissutitigut periarfissaqassasoq. Taamaatumik ineqarneq pillugu iluarsartuussineq aallartinneqassasoq kissaatigaarput.

Naalakkersuisooqatigiinnermi isumaqatigiissummi ineqarneq sanaartornerlu pillugit Naalakkersuisooqatigiit isumaqatigiisuteqarput ineqarneq pillugu iluarsartuussineq 2015-imi aallartinneqassasoq ingerlanneqarlunilu. Tamannalu upernaq pivoq. Siumumiilli naammagisimanngilarput isumasioqatigiisitsinermi atuisorpiaat ilanngunneqarsimannginnerat. Taamaammatt isumasioqatigiinnerup malitseqartinneqarnissaanik tamakkiinerusumillu peqataatitsiviunissaanik neriorsuuteqarneq qilanaarigatsigu oqaatigissuarput.

Naalakkersuisut isumaqatigaagut ineqarnermut tapiissutit tapiiffigineqarnissamik pisariaqartitsisunut atorneqartariaqarmata, soorluttaaq sinaakkutit aqquqatigalugit iluarsisinnaanissaq eqaallisaasinnaanissarlu siunertarineqartut. Siumumiit periutsit eqqaallisarnerannik kinguneqartussap aaqqiivigineqarnissaa pissusissamioortutut isigaarput.

Innuttaasut inissiaminniit anisitaasartut pakkersimaarnissaannut tapiissutit isertitanut tulluurtumik inissinnissaat pisariaqarpoq, ilisimavarpummi ilaatigut isertitat appariarujussuarsimanagerat peqqutaalluni akiliisinnaajunnaartarneq pilersartuq, tapiissuteqarfigitinniarannilu isertitat naatsortuinnermi aallaaviusut pisoqaavallaartut atorneqartartut, taamaalilluni inatsit siunertaminut tulluannigitsumik oqasertaqarnera peqqutaalluni tapiissutinik pisinnaaneq ajornartinneqartartoq, tamanna nunatsinni inissaaleqiffiusumi ukiorluttartumilu tulluannigilaq.

Ilangullugu Siumumiit oqaatigissuarput inissiani attartortittakkanut ineqarnermut tapiissutit attartortitsisunit iluanaarniutaasinnaanerisa killilernissaat siunertaralugu Naalakkersuisut saqqummiussaqrarnerat iluarisimaaratsigu.

Taamatut oqaaseqarluta inatsisissap aappassaaneernejartinnani ataatsimiititaliami susassaqtumi suliarineqarnissaa innersuupparput.

Jess Svane
Siumut